

幸魯盛典

卷二十七 卷二十八

幸魯盛典卷二十七

聖駕幸闕里恭紀

翰林院編修

臣李孚青

百代留元氣千秋仰素王龜峯鍾秀異麟紱啓遐
昌紫貝開閭闔青霄下鳳凰文著徵瑞產古檜發
新芳典則繩虞夏明禋盛漢唐由來恒祀備未以
特誠將禮樂逢斯世欽承獨我

皇心源傳一貫泰運值三陽乍

駐泉林蹕言

登闕里堂旌旗環岱嶽俎豆肅宮牆



三會盛典 卷二十一
萬乘排龍馭千官列雁行

御書頒鄭重

法物賜輝煌麗日璇題迴祥烟曲蓋張雲霞飛翰墨
珠玉燦文章灑灑仙莖吐熒熒藻火光孫枝蒙雨
露輿誦洽冠裳

至德高難竝

宸遊邃莫量典翰欣貴道珥筆頌無疆

聖駕幸闕里恭紀

翰林院編修臣王沛思

乾行法從擬星陳千里攜來浩蕩春翠憶微風廻豹
尾金衣斜日晃龍鱗岱宗喜得重修祀襄野無勞
復問津父老共欣瞻

睥穆更於

停輦見堯仁

其二

羹牆夙昔有欽承曠典隆師薦豆登法部恍聞天
樂奏馨香全自

三會盛典 卷二十一
睿懷升歲蕤五色金瓯賜靈爽千秋鐵檜憑向夕嚴更
瓊殿駐六軍齊望九華燈

其三

雙闕崇巖閔魯城喬林防阜有餘清因探蠹簡尋
丹甕轉憶麟書降水精浮磬祇從沙面識叢著偏
向雪中生
鳴鑿不覺遲回久仰止高山繫

聖情

其四

笙絃重振舊鏗鏘雕几親臨講藝堂

九五正中龍在御三千夾侍雁分行金泥函護昭回色
紫綺裘分藻火光率土應知遭遇日於今文運啓
當陽

三會盛典 卷二十七 四
皇上駕臨闕里釋奠孔林薦菜陳牲豆籩成舉備禮和
樂律度允煌來

萬乘以崇儒威儀抑抑集千官以肆祀進止踰踰旣而
筆扎降自

九天句煥雲霞之錦圖書

頒來四庫篇搜金石之藏碑篆參穹

鳳藻闡文明之蘊勝紋耀日

龍章揚師表之模羅綺組以

錫彼子孫鸞鷲桐花倍燦撤翠蓋以榮茲寢殿蛟螭
雲氣彌多祀事在古稱隆典秩於今爲烈小臣恭

逢

盛事思切賡賜慚無黃絹之詞莫效紅雲之捧敬陳

短什以紀

宏休

元運三辰泰禎圖五緯昌珠星躔絳闕璧月耀朱
梁頊格階前羽賓來海外航紫微輝北極翠葆泣

東方

鳳蹕臨青野

鸞輿度碧岡晚霞籠遠嶠朝旭映扶桑龍吼雲巖洞
雞鳴日觀鄉升禋先岱嶽肆覲集纁黃玉女璿池

三會盛典 卷二十一 五
宵天孫石鎮昂般歌呼震疊阿詠近顛印展義

皇情切崇儒

帝道臧杏壇餘俎豆奎閣爛芸緗鐸響今猶徹韋編昔
未央披帷陳黼黻聽壁隱絲簧紹述懷明德剛垂
仰素王右文園頰壁講學賁宮牆經闡義文秘書
詮平治章傳心遙可法遺澤渺難忘

聖祀修芹藻精禋肅桂漿黃流傾瑟瓚朱火燦藜床
菜共牲牢設羹同棗栗將樅金香霧合振玉燎烟
翔穆穆班壘列輝輝曲蓋張禮容羣祇肅師表一
追揚

瓊榜星雯麗

璇題日月煌

綸言真灑灑

宸製自鏘鏘飛翰低垂露穹碑直倚蒼咨詢彝器在俯
仰玉書藏靈壑荒榛絕封丘珍樹防巍巍林殿古
濟濟珮珩莊契悟符軒昊崇規軼漢唐七襄釐冑
嗣三錫勵官常懿烈因時煥休徵體物彰楷枝標
異種著草茁新芳檜色含霜老松陰匝地涼良由
龍馭止彌見水精祥競戴

王猷塞還欽

聖教光哀時誠炳爍

釋奠愈烝皇不數岐陽駕寧同瑤水觴小臣逢

盛典拜手誌平康

駕幸闕里恭紀二十四韻

翰林院編修臣孫岳頌

五位璇階正三辰玉曆昌圖疇天錫祉麟鳳

帝凝祥肇舉

南巡禮來遊東魯鄉

入門親却輦

引步肅登堂釋奠威儀整陳籩黍稷香師臣

天子拜贊采百僚將至德真難及無名詎可量

聖心原契合曠典迴輝煌訪道從容問談經闡釋詳金

聲揚

三晉盛典 卷二十一
一
睿藻鐵畫煥

天章檜樹懷先澤章縫識舊藏穹碑臨左序曲蓋立中
央七十賢人列三千弟子行几筵霑雨露髦士奉
圭璋

錫爵絲綸重推恩世系長觀文升傑閣攬勝矚無疆周
歷情何切低徊志不忘林間冬旭暖壇畔慶雲翔
更覩

鸞旂麗彌徵鳳彩光尊崇瞻

異數歌頌徧遐荒道法元公闡人心孟氏匡薪傳胥秩
祀石紀共流芳制作蘭臺貯編摩虎觀襄

鴻模恢萬古忝竊效賡颺

皇帝幸魯盛典恭紀

有序

翰林

院

編

修

臣王九齡

臣聞導懿和之風者必隆文教之事黼休明之運
 者必遵德藝之途聿自麟纏繡紱誕聖平鄉虹流
 黃玉修經闕里大義揭於穹壤微言炳於星日絲
 簧琴瑟敬起於聞音車服俎豆道存於觀器高帝
 肇太牢之祀元始建褒成之封唐宋以還尊榮至
 矣然而循流景躅畧備於曩編符軌合節實由於
 至聖我

皇上躬堯舜之睿姿志周孔之絕學握鏡澄物文恬武

熙隆禮復章流樂返雅聲教所訖莫不驗風受吏
侯月歸賚巍巍之德皇哉唐哉宜登岱宗禪云亭
掩七十二君之遐蹟而躋其首也然而

冲旨謙讓抑而未俞考虞書姬典之篇倣五年時邁之
制

翠華南指七萃雲屯

玉輿東幸五營星列顧

省方禮畢

特念

宣聖爲萬禩之儒宗百王之模楷爰返

天蹕於江淮遂講釋奠於東魯夫其潔兩楹之簠簋飭
彼司筵奏六樂之咸英攜從太學

萬乘屈尊而九頓百寮展采以趨踰此則我

皇之虔祀也披講幄而進儒生堂開詩禮憩杏壇而懷
聖蹟壁叶金絲吞文檜於手植契神著於大衍此
則我

皇之嗜學也

華蓋九旂留諸殿寢遐阡十頃拓彼祠田文宣遙胄

咸增秩而賜金元聖餘裔亦薦紳而陪位此則我

皇之渥澤也發言爲論文律應乎宮商擗翰成章詞源

三會盛典 卷二十一
滙於河海展銀鈎而舒鐵畫舞鳳蟠龍懸朱額而
啟綠碑烘霞映日此則我

皇之麗藻也崇儒重道既休聲茂實之兼包展義宣風
遂沐浴咏歌之畢効連裾如堵跂末光而擊轅接
袂爲帷挹清塵而獻禱往牒所記前史所陳未足
以揚盛烈紀靈符也小臣謏劣無能備員橐筆文
學侍從未敢窺左史之編輿人歌詩庶足備太師
之採謹拜手稽首恭上十二律以抒芹曝之忱焉
聖主當陽化日懸車書一統靖烽烟漢廷欲紀登封事
虞帝惟陳輯瑞編令節秋清無射管昌期曆啓上

元年

鑾輿直指東山路要振儒風徧八埏

其二

仙仗森嚴發

帝城恩波浩蕩起懽聲十行

鳳詔隨雲下九仞

龍旂礙日明海甸寒花迎劍佩雍宮雅樂送韶英上

公喜接

天顏近屏息徐看

法駕行

其三

淮北霜高萬騎迴
早看陽律動葭灰
泉林紅日停鞭見
阜邑丹虹拂馬來
東國衣冠爭抃舞
中天雲漢自昭回

皇情是日懽彌甚
特許琴書入睿裁

其四

精禋闕里潔牲犧
古廟平明玉輦移
百職陪班依豹尾
九重加禮獻雞彝
階前磬管寧和曲
筵畔鐘鏞

御製詞更溯淵源隆報享
蘋蘩兼薦叔梁祠

其五

奎文閣下肅鈞陳
詩禮堂前講席新
御幄豈殊崇政殿
儒門還有說經人
追思縹筆洪規遠
細討韋編奧義申
晝漏迢迢羲馭轉
各收綈帙拜

溫綸

其六

遺像清高奕葉傳
尼山千尺尚巍然
衮衣肅穆如今日
象佩雍容記昔年
漢帝尊罍紛在側
軒皇準角望中懸
虎頭妙手丹青絕
小影重摹

御覽偏

其七

煌煌

天語徹軒墀

夫子真爲萬世師
書就銀鈎光煥爛
懸將金榜墨淋漓
瀉霞蒸大野疑麟見
日朗高岡想鳳儀
曲蓋亭亭還撤

賜山呼聲裏五雲垂

其八

登臨坐憩講臺基
尚憶諸生問道時
溜雨霜皮存

鐵樹倚雲紅杏俯
緇帷石壇烟裊

金根輅丹壁晴飄

翠鳳旗綠字摩挲
遊賞徧南宮書贊李邕碑

其九

飛閣周阿麗碧虛
還從舊宅緬端居
清流宛對亭前井
斷簡猶傳壁裏書
望遠琴心函丈外
承家禮教過庭初
詠懷古蹟勞

宸翰日昃方廻北斗車

其十

防山瑞旭照林丘
駐蹕亭前曉霧收
異木千章縈

三會盛典 卷二十一
彩旆天香十里拂

珠旒著經

御手莖逾直楷荷

皇情節更邁輦道鷓行齊拜手千秋彤管記良遊

其十一

蒙山泗水接謳吟累葉均霑

聖澤深慈母松筠標勁節雲孫章服繼華簪林垆白壤
還增地學舍青袍更賜金爲念元公祠廟重世官
承祀肇於今

其十二

雲漢

天章四海知傾都士庶謁穹碑文河錦浪翻千疊藝苑
春葩簇萬枝鬱鬱蛟龍盤琬琰蒼蒼烟靄護琉璃
小臣樛質慚東觀幸際休明學詠詩

聖駕幸魯釋奠

先師禮成恭頌

翰林

院

編

修

臣

史

夔

省方輯瑞

聖心勤泰岱中天曙色分

玉輦直追姚姒蹟金泥還陋漢唐文黃童白叟欣瞻

日青屋朱旄儼拂雲書軌大同琛賚至

東巡盛事軼前聞

其二

曠代心源接素王時從洙泗潔烝嘗

聖會盛典 卷二十七
降輿共識欽師禮備樂咸聆假廟章歸德門前停
警蹕昌平宅畔肅冠裳太牢一祀儀多闕

聖主千秋俎豆光

其三

五氏雍容進講初

天顏喜近聖人居班行傾聽還前席袍袖縈香爲展書
大學三言綱自挈繫詞數語易無餘於今正道昌
明日漢室圓橋定不如

其四

曩代傳聞幸魯儀曾頒祭器列雞彝

宸衷特寓尊師意

御繖常留重道思函蓋直超河雒外推崇真與聖神
宜尚衣取次聞

殊賚玉佩金魚拜赤墀

其五

灌鬯精禋謁孔林鏗鏗四韻

睿情深千秋道統羹牆接一代

天章日月臨絲竹古堂遺響在奎文高閣異香侵摩挲
左紐親栽檜宛識當時述作心

其六

幸魯盛典 卷二十七
孔思周情竝景行衮衣勲業邁阿衡當年禮樂同
天子此日牲牢遣上卿訪道崆峒齊往轍登封梁
父笑虛名小臣濫厠蓬池侶珥筆無能頌

聖明

聖駕幸魯恭頌

翰林

院編

修臣許汝霖

冠蓋開王路奎婁接帝星

巡游踰舊典封禪薄前型百代興儒地千秋駐蹕亭

昇平誇盛事

萬乘爲傳經

其二

玉薤題璇榜風雲自卷舒十行喞漢札四字軼唐

書檜入

天章重租從

手詔除百年惟父老辛苦望

乘輿

其三

文鶴啣書早祥麟降玉遲後先傳絕學缺畧創前
規載肇周公祀重臨孟子祠橋門觀聽在

聖主卽明師

其四

曲蓋盤螭鳳長留

御仗存禮優

天子聖道在布衣尊地接淄濰脈天開泰岱門斯文同

景運史冊炳乾坤

聖駕幸闕里恭紀二律

翰林院編

修臣張廷樞

海宇同文景運亨

宸遊順動泰階平
千春品物瞻

龍采四姓絃歌近

鳳鳴闕里香
浮金殿肅橋門
草似玉華清
侍臣鵠立
談經處
五色雲中環珮聲

其二

鳳輦翩翩洙水前

六龍還

聖駕幸闕里致祭
先師孔子恭紀二十韻
翰林院編修臣周金然
率土重熙日敷天哀對辰
省方修曠典
命駕紀時巡軌物超三古君師統
一人崇儒心每下望道意彌親闕里斯文在高山仰止
頻杏壇深
駐蹕松栢肅明禋一德潛孚契千秋實比隣從官羅
濟濟多士贊侏侏合樂笙鏞間隆儀俎豆新舞仍
橐筆書成柱下編

聖駕幸闕里致祭

先師孔子恭紀二十韻

翰林

院

編

修臣周金然

率土重熙日敷天哀對辰

省方修曠典

命駕紀時巡軌物超三古君師統

一人崇儒心每下望道意彌親闕里斯文在高山仰止

頻杏壇深

駐蹕松栢肅明禋一德潛孚契千秋實比隣從官羅

濟濟多士贊侏侏合樂笙鏞間隆儀俎豆新舞仍

三魯盛典 卷二十八
八佾奏奠自兩楹陳灌獻嚴將事精靈儼格神徘徊觀禮器次第降

溫綸絲竹聞猶昨羹牆見若真

奎章懸日月芝蓋燦星辰顯燦超前代

恩榮逮後塵尼山增絕峻泗澤益無垠盛事光書策歡

聲動縉紳有生皆向化何俗不還淳文運開龍馬

禎符集鳳麟昭垂千禩法焜耀在貞珉

幸魯盛典卷二十七終

幸魯盛典卷二十八

聖駕幸魯恭紀二十韻

翰林院檢討臣田成玉

聖世隆師表明禋紹百王尼山勤景仰闕里溢輝光剛

述傳難罄精微道不忘斯文懸日月于邁見羹牆

翠柏橋門外香芹璧水旁鸞旂齊映日鷺序迴凝

霜入廟

容先穆登階

色倍莊兩楹瞻禮樂九拜重綱常異代精誠格諸儒討

論詳程朱真入室韓董但升堂舊學絃歌滿遺書

三晉盛典 卷二十八
駢蚪藏几筵何秩秩鐘鼓更皇皇爵錫

明廷渥材頒太府良穹碑撐突兀

御墨灑琳琅深夜蛟龍舞高天鸞鷲翔

賦成垂琬琰

詩就叶宮商寤寐思陬邑低回駐魯鄉擴林增土宇
留蓋耀巖廊制作經綸遠源流道德長昇平文教
洽治化媿虞唐

聖駕幸魯恭紀十六韻

翰林院檢討臣董閻

盛世崇文日

熙朝重道年師資表萬禩聖脈接中天學古圖書滿

時巡禮數全尼山聳翠嶺泗水渙晴川木鐸千秋振

金聲百代宣

一人親釋菜九有共聞絃謚號卑唐末威儀陋漢先世
家惟舊德宗國仰前賢

御蓋留香幄

宸章映彩椽杏壇滋化雨檜樹罩祥烟備物祠官肅加

三會盛典 卷二十八 二
恩中使傳列筵輝俎豆掌節滌牲牲陟降神如在羹
牆意渺然儒宗褒大業道統繼真詮魯溢鸞旂頌
周垂鼉鼓篇欣瞻車服盛珥筆載琅編

恭和

聖製甲子冬至幸闕里詩

翰林院檢討董閏

至尊親降輦聞見盡同堂門列三千士宮高萬仞牆德
車行自遠儒服被尤長

御蓋留餘蔭千秋拱

帝裳

駕幸闕里恭紀

翰林

院

檢

討臣

汪

楫

五雲紛郁繞行宮瑞靄文光一氣中天矯六龍齊
御日騰驤八駿儼追風出同巡幸人爭望事異登
封禮獨隆不是

君王傳正學豈知吾道果尊崇

其二

尼山俎豆有輝光典禮今知邁百王淨拂雲霞飛
翰墨高懸日月麗文章交龍額隱千年碣五鳳磚
銜數仞牆漫道升階天尚遠一時鐘鼓儼同堂

其三

三驅四校列雲屯

九拜渾忘

萬乘尊

特勅中官留

御蓋傳聞紫氣滿天門赤蛟丹雁俱呈瑞老楷靈著
盡展恩野叟百年驚未見願將詩禮勗兒孫

其四

天臨華蓋落空青歷歷珠躔曜景星忽奏河清知
駐輦羣瞻嶽峙擁諸靈歡聲又慶蠲租

詔盛事還傳

講殿經珍重儒臣垂史冊彩鸞金匱好藏銘

聖駕幸魯恭頌四十韻

翰林

院

編

修

臣

余志貞

百王尊

至聖億禩啓真詮異質標河嶽鴻裁照後先中和參
造化述作煥星躔筆削微言在洪纖大義全蓁蕪
明道術品類荷陶甄

哲后昭休烈殊方屬慶延武功垂竹帛文教育芝莖左
右皆圖史羹牆必聖賢尼防高律萃洙泗逝潺湲
雲罕飛燕地鸞旂指魯阡扶輪義馭駛灑道雨師
遄卹隱蠲供億克庖寄狩田杏壇停

法駕闕里肅官聯入廟

天顏睟登堂

玉趾虔太常咨備物司史命繩愆拜跪褰

龍袞趨踰動紉紵芹羹兼黍穀桂酒間犧牲將享逾烝

禴寅共有豆籩

御厨傳腍脯仙奏響鈞天古器看彝鼎升歌列管絃

衣冠維法象俎豆儼璣璇已晰天人奧還參性命

編陳書知訓典繫易講坤乾峻極勤瞻仰淵深費

沂沿

錫綸圭璧燦

題額日星懸鶴舞鳴璫珮嵩呼溢市廛

恩頒天女織賞給水衡錢

御蓋芝莖錫

宸章琬琰鐫松楸風雨老檜柏歲時堅巢樹禽爭避鈞

衣草自捐欲尋廬墓處猶記治任年享殿丹青舊

思堂翰墨鮮宮牆觀爛熳

警蹕更留連稽古千年溯崇文六籍傳臨雍卑漢主

講武陋周宣典禮殷廊廟膠庠遍幅幘獻符龍馬

出御籙鳳凰騫黼黻黃農代鋪陳經史筵矧叨鸞

鷺列敢怠典墳研拜手無由頌賡歌天保篇

聖駕幸闕里恭紀十二韻

翰林院編修臣吳晟

秩秩

先師廟巍巍

帝德全太牢聞漢祀釋奠盛唐編水德祥鍾魯天根震
在泉先時咨典禮卜吉歷山川自昔景行切

親臨拜謁虔牆高呈美富詣極識經權繡柱龍雕麗彤
墀鶴舞躑霜凌松益茂神護檜逾堅觀海難爲水
秋陽力豈綿升堂儼泰岱入室具坤乾

聖澤天垂永

熙朝文教傳微臣逢

盛典萬載頌平平

聖駕幸闕里恭紀 有序

翰林院檢討 臣 潘應賓

皇上御極二十有三年歲在甲子肇舉省方之典巡幸

東南

躬詣闕里祀

至聖孔子以太牢禮也入廟屏輦勿御

九拜維虔

天顏睟穆從官罔不祇肅禮成

上親灑宸翰為詩紀之復留曲蓋以昭優崇集四氏諸

生論經史凡聖裔皆

賜賚恩敘有差詰朝謁

聖林益拓其地真異數也

鑾迴復御製碑文勒石繼發帑金葺廟貌工竣特

命皇子親往告祭我

皇上崇師重道實茂以加時臣備員史館不獲侍執豆

籩而盛逢大典雀起懼忭且臣生長鄒魯紀

聖德而揚文治職也敬賦五言十章

北極丹書出東方

翠輅臨路迎千仗轉山映五雲深

帝舉時巡禮人欽望幸心魯邦仁域好風動協虞琴

其二

聖主崇文治心傳接大成兩楹勤祀事

九拜奉儀型俎豆恩光遠宮牆瑞霽生由來端道統

不獨肅巡行

其三

至德留遺範

王言重表章瑤函騰寶氣玉軸散天香

睿藻河山秀奎文日月光開元曾有句遠遜

聖謨昌

其四

曲蓋嚴仙仗清塵照

翠華威儀

天子貴寵錫聖人家禮數原殊絕輝光未有涯從今瞻
氣象遙映赤城霞

其五

式觀明禋盛還聞講幄開上公親受

旨聖域各抒才泮壁沾

天寵橋門稟

睿裁試看霄漢上五緯盛昭回

其六

宸極瞻雲日榮施集聖門蟒衣真異數鷲序拜

新恩近識

天顏喜方知道範尊

熙朝隆景運心法闡長存

其七

鬱鬱林中樹從前過者稀

六飛乘紫氣三秀擁朱衣拓地

恩多渥升馨露未晞靈著方可採先後協天機

其八

祀典觀成後羣工扈

皇朝通志 卷二十八
二
蹕時山花明羽蓋海日麗金羈綬佩輕霞繞鳴鑣清
漏移鄒杖同載筆拜舞詠昌期

其九

廟貌重經始鳩工不日成金錢頒

內府輪奐擬彤庭日傍

璇題峻雲連桂牖生豐碑真不朽千載頌文明

其十

丹雘維新日牲牲復告虔瑞凝仙闕下禮肅杏壇

前

鳳詔金函啓星軺玉節傳

九重修盛舉垂頌萬斯年

孔廟及

孔林聖墓加惠聖裔四氏子孫隆文興教恩禮備至
御製碑文勒置廟內煌煌

天語照乾坤而懸日月也於是用衍聖公臣毓圻等奏
請

命儒臣纂輯

幸魯盛典備載

臨幸諸典禮永爲萬禩法程閱幾載而書告成臣作梅

得奉而讀之伏念

孔子心存一貫道在六經而

皇上則神明獨契於羹牆懿德誕敷於方夏文經武緯
偉烈豐功闡釋發皇殆無餘蘊是則素王擅師道
之隆

聖皇建君極之懋書傳以來未始有後先合撰若斯者
也而斯典所載垂爲禮經抑

萬乘之尊隆親師之義非千百代而僅一覲者歟攷諸
史策漢唐宋元代祀闕里然或非親祠或因東封
惟東漢明章二帝俱幸

孔子宅致祭差爲合禮而當時謂於卿門有光亦失
尊師貴道之意豈崇禮

先師增輝聖德足繫我

皇上萬一也哉小

臣

作梅恭逢盛事踊躍舞抃敬作五

言詩四章附於塗歌巷号之末以備採風者之選

擇焉

羲皇肇一畫手爲闢鴻蒙延緣三千載駿烏薄西

穹水精兆麟紱文明日再中歷年又三千畧與上

古同

聖人今首出重仰華胥虹大化翔四表合符告成功陋

彼七十二玉檢紫泥封省方繼肆巡臨觀尼山宮

絳衣儼論道冠劍何從容展也先後聖元會長昭

融

其二

赤符啓金刀發祥過魯祀說經闕里堂真人徵白

水奕代加欽崇青史流徽美雖復具威儀未盡諸

典禮藐焉永嘉生改秩乃輕儻右文推

聖朝泰運周復始蕭雲靄天衢榮光浮地紀

御極如堯齡臨雍肅階祀奕奕羅簪紳秩秩嚴篋簋琴

書非親承

聖心猶未已

其三

聖書頌尺一

駕幸少昊墟望岱既升禋遂謁

先聖居前驅勤七校不惜

回鑾紆聖嗣及賢裔迎拜

天顏舒却

輦進星門

玉趾當庭趨上堂拜稽首廣樂和笙竽奠幣獻瑤竿

龍蹲來徐徐陳經演墳典列侍森鴻儒橋門聳觀聽芹

藻皆敷腴五緯聚東壁纍纍合聯珠

其四

翠如堂斧封真氣此焉聚鳳德已潛藏龍身永騰

翥奇植莫能名一一神靈護化工自回薄滋生非

雨露

黃屋天上來豐隆淨王路遺蹟徧周咨草木膺

眷顧駐蹕祥符年榮觀祇文具東岱曜扶桑羣岳競奔

赴

綸章冠天表河山奠寶祚傳爲萬世經庶媿方策布

之宮莫設兩楹之柝采芹采藻入廟而俎豆斯陳
見羹見牆登堂而琴書宛在摩挲檜樹手澤猶存
緝閱漆經心傳若接觀

天顏之有喜知聖道之重光典禮煌哉規模遠矣夫自
漢皇過魯親祭太牢宋室崇儒特申下拜歷代俱
修秩祀累朝遞議追崇非無展謁之文未極表章
之實孰若我

皇上淵源默契道法親承追琢

雲章儼若珠聯而璧合淋漓

寶翰不啻鳳翥而龍翔授博士之官獨褒異數訪元公

之後同被

殊恩洵史冊所希聞亦昇平所僅見

臣

恭逢盛事幸際

昌期愧無史籀之篇竊慕崔駰之頌謬拈弱管敬

贊鴻休

化洽寰瀛泰

恩施寓縣豐苞符千古合玉帛萬方同

德峻堯階上

心營禹甸中巡行稽帝典時邁頌王功

鳳蓋飛山左

鸞旂指岱東龜蒙停

警蹕洙泗設齋宮野外

鑾輿轉門前羽仗通風吹沂水綠日照杏壇紅釋奠
尊彝盛明禋簋簠充薦圭五瑞輯奏樂九成終劍
珮趨多士簪纓肅百工廟堂觀禮器函丈振儒風
賦就千言麗

詩成五字雄建碑霄漢迴懸榜日星崇道統歸

昭代心傳契

聖衷玉麟猶赤紱古檜永青葱景運中天啓文明大化
融康衢爭擊壤薄海盡呼嵩幸附詞臣末恭逢
曠典隆千秋垂盛事不美訪崆峒

聖駕幸闕里恭紀

翰林院編修臣許嗣隆

刻玉游河歲披圖幸洛辰

興朝敦教化

至德布溫純冠冕臨雙闕梯航徹九垓縹囊緗帙聚澤
馬器車臻

巡守乘蒼輅觀風出

紫宸奎婁星分野洙泗水爲隣

帝曰宣尼聖祥鍾曲阜神壁書傳與博玉簡燦瑠璣虞
夏商周後東西南北人素王常秉鐸司寇暫持鈞

三魯盛典 卷二十八
歷國聞歌鳳傳經歎獲麟吉蠲瞻碩範牲采奉明
禋數仞宮牆見羣公俎豆陳維

皇能建極重道則師臣湛湛

鴻恩沛煌煌

睿藻頻揮毫開麗錦落紙勒貞珉虎脊鸞雯爛銀鈎鐵

畫勺檜先霑

雨露楷亦拂埃塵燕鎬篇徒壯橫汾什未醇兩楹鐘

鼓韻四壁管絃新藝講函中秘儒崇席上珍趨庭

嫺禮樂授簡載

絲綸法物詳彙勺佳時紀甲辛三千頒象管十二錫龍

賓

盛典爰名魯豐碑迥異秦

君兼師繼統治與學同倫太史清千禩文昌耀萬春颺

言臣忝竊于邁頌尊親

幸魯盛典卷二十八終



